

佛道難成故初修時必以所修之法而修習之以成正覺及修習者言心與息也息有出入修習至無出入心有生滅修習至無生滅而寂滅謂之成正覺從此初寂滅成覺修習加持常住正覺而圓滿無可復加故無用修習之法無修習之處

如是則我真虛無矣真寂滅矣

初得到虛無寂滅者何故不言真得猶是所謂能造其域而不能久也故仙佛皆云一日定七日定二七三七四七五七七七也及加至九年以後不可以年劫限是造其域而能久乃爲真虛無真寂滅也

道藏輯要

仙佛合宗語錄

至

畢集二
川八上

我至天地先矣

卽虛無之極至

安可以鍊字致思議

言人不可以一鍊字生疑而悞加有爲之功也

十六問曰鍊炁化神古今皆言十月懷胎不知果決定以十月能完胎出神否請再詳之答曰十月者以世懷胎之例大概言之也凡人之子在母胎以無息而至呼吸成必由十月之久無十月之胎者則炁不爲完足

而成人而後生化神之炁大周天之用自有呼吸而返至無息之初

言修仙佛者皆要將此呼吸之息返而修之至於如父母初
媾成胎未成呼吸無息時斯亦謂之父母未生前也

亦必由十月而後能無息盡定一變一化之道自然之理如是
故仙真度人卽此十月而發明之也

世人不知歷多少歲而不得仙無不疑懼真人直指十月必
成神通之理令人知易趨而進易修而成也

或有不滿十月只九月八月七月而能出神者

人有七月胎而生者八月胎者九月胎者故胎神者亦有

生人亦有然或有滿十月而不出過十一二月十三四月數年
數十年而後出神者生人亦然

道藏輯要

仙佛合宗語錄

至

畢集二
X118

軒轅黃帝在胎二十四月而生帝堯夏禹漢武帝皆在胎中
十四月而生玉帝在胎一年而生老子在胎八十一年而生
佛堂弟阿難在胎六年而生立帝祖師在胎十四月而生葉
法善十五月生張氤真人十八月生朱橋真人十五月生林
靈素二十四月而生重陽王真人二十四月生劉長生真人
十三月生

甚至胎元大定愈久而未能出者也有此又未知出神之景及
出神法如南岳藍養素先生者故如此此皆李曹二真人相囑
之法言也又問何故有不滿十月而出答曰神炁精明志念勇
猛晝夜勤功在定定相續無一瞬一息而不在定

元始天尊說先天道德經云妙定其恍惚杳冥之中劉長生真人云意不外遊自有禪定也

自然得無息無瞬之稍有間斷而大定可易得得大定之日便是胎完之日神胎既就畢竟景現而出自然之理也所以神既定至於父母未生前不可又強留在胎爲不神通之愚夫借曰生人之胎孰能留而不生古人所謂果生枝上終期熟子在胎中豈有殊是也又問何故有滿十月不出答曰神昏烝滯志念不猛一定之間或昏沉不遣而任其不定

昏沉是神氣倦弱而熟睡若凡夫到神倦弱時則必睡而不能勉強以遣若修定者卽以定可遣而不遣任其不定則孰能藏輯要

仙佛合宗語錄

卷五

畢集二

遲火候而定力微矣必念念入定以遣之可也

或散亂外馳而任其不定散亂是心馳於六塵心既外馳在塵受塵迷惑所以馳於外則不定於內不定則是無火候矣無定功何以得神全胎定故亦不能十月而脫胎

則定不相續不常定則不能入大定

尹清和真人云一時一刻無功無行是謂虛費者

所以九轉瓊丹論云又恐歇氣多時卽滯神丹變化如是十月焉能得定雖一年半年二年或至多年亦未可量也

會真集云不悟冥冥入定禪神離烝散子母難圓陰陽失媾

昧玄玄九載三年不見壺天

昔世尊在雪山修定六年晝夜長坐方得成道

普曜經云太子苦行精進行四禪行數出入息六年結跏趺坐亦無覆蓋不避風雨不起經行大小便利亦不屈伸坐不傾側亦不倚卧四季端坐雖有眾難未曾舉手障蔽樹下鵲糞污身亦不棄去諸根不亂心不恐怖是也

又金剛力士經云佛言若於佛事有不足者不入涅槃佛事周訖乃入涅槃之說便是

佛事者在欲界之人修離欲事在色界之人修四禪定事在無色界之人修四空禪定事色界四禪定成者可入小涅槃

道藏輯要

仙佛合宗語錄

番

畢集二
川上八

無色界四空定成者則入大涅槃四禪四空俱成謂之佛事足佛事周訖也

若人只知十月爲期不識胎之完否

胎完卽是得定得定由於入定不入則不得未遇仙傳則不

識

可不於未定而妄認爲定不宜出而妄出出無陽神爲其未得定足不成陽神之故如是只名走丹前功盡廢矣又問前功如何得盡廢答曰旣妄出而不急急專心於入未得大定便以少定爲足逐日逐月只如是更有何日能神定胎完只在尸解地位

一 小果尸解只神妙而形未能妙只勝於死者而已

不得形神俱妙此世尊所以云是有餘涅槃言其趨涅槃而實不能得盡涅槃故曰非無餘涅槃者也修士最宜慎之又問如何知得是未成陽神出無陽神答曰神定胎完自有當出之景不見此景即是神不宜出故邱祖真人云功之未足則道之不全楞嚴經云不恆其所覺云何獲圓通所以十月爲大概之言不可拘也又問如何得不廢前功答曰不執於期月惟定定相續亦定定增長息息歸無故邱祖真人以韞石逆上高山爲喻者不必謹其難也蓋言一日十二時似山有十二分高定得一時如上得一分高定得七八時

道藏輯要

仙佛合宗語錄

卷

畢集二
X07

清和云邱真人熬到七八個時至九十時後有兩個時辰當不過

如上得七八分高到此步步難掙畢竟逐時逐分掙上山頂已到盡處方有大休歇大自在

邱真人所喻教門下者如是

十二時一周完已故穉子禪宗人亦云一句合頭話萬劫繫繫概是也

此得十二時全無昏睡即所謂我能使得十二時者是也

日日如是則胎就神出景到陽神見景而出安得廢功景未到必廢功故曰切不可出也既在高山頂上頓然獨立三年而往

真趨大定無不定而亦不知有定無定無驟無極而寂滅爲樂
大事方了又問曰既要入定何故又要出定答曰不入不神通
不能成神通也

不出不神通

不能顯用神通也

出而不入失神通

已成之神通出而不速入則初定而易動悖卻十步百步之
說著於塵染雖已成神通而亦可失

於是神通必須調出調入及至九年一定之後切切如是始爲
縱橫天地之能事也太一又問陽神之定如此陰神之定同否
答曰入定之法畧同而定中之得失大異

道藏輯要

仙佛合宗語錄

卷

畢集二
川一八

陰陽二修之初修初證不同故也

何由異也是異在昏迷而不在散亂以散亂則不在定也

不在定則不可分別定中景象

然陽神在定中或有少許昏沉

在初入定時循環之機所必有者

則迷歇大周天之火候斯時六種震動自現

眼有金光耳後有風生鼻有氣搐腦後有鷲鳴身有踊動丹
田有火珠馳是爲六種

陽炁自來

卽丹田中之金丹大藥也

陽神自覺

能自離昏沉而自覺也

所以不致久昏久迷而能孤明獨照

此五句是萬古聖真未泄之機

陰神之定者其元精元炁不足完則不知其動機而修補之或一有知動者又不知其當補之時不能足炁不能不死故定亦不成陽神祇名陰神之定所以陽炁無從得六種不震動妙覺不靈應入定之久定中或有夙念之根塵未淨迷而不覺如魚在水中則忘水逐境不返卽人在境中則忘境

道藏輯要

仙佛合宗語錄

卷

畢集二
川上川

迷墮於境矣

此身在此而靈性已馳入別胎殼去矣

玉皇胎息經云神去形離謂之死六祖盧能亦云性在身心存性去身心壞

昔楞嚴經所云窮空不盡空理者爲不迴心鈍羅漢若從無想諸外道天窮空不歸迷漏無間便入輪轉正言定中之失而有異者如此今畧舉定中之失者一端而例知其餘華嚴經有云如歌羅邏入胎藏時於一念間識則託生是也世人又傳一禪師留記云昔日無爲子今朝卻姓陳在定之僧爲前身隨洪福之念生陳太守爲後身是也到得後身數盡或有能回定於前

生者無爲于是也或有不能回定而在異類者雲光和尙墜牛胎中而直受之不能辭是也

雲光好食牛肉有高僧勸之勿食莫趨此輪迴之境也雲光答我食而不食高僧曰你可做而不做光不信光死爲牛耕於田耕不了力不堪犁不能脫汗不止喘不休高僧去視之呼曰雲光雲光牛則立而仰視高僧曰你當初食牛時我曾阻你你答食而不食言但口食而心不貪食我說你可做而不做可是身做而心不做否光跪而泣訴曰恨不聽師言今始知身既做此不得不做矣

此皆大可防之危險也夫陰神學者得定而能自出者固有人矣其不能自出者皆是所以禪人在定每用護法侍者於此定久則必擊響聲以出之

道藏輯要

仙佛合宗語錄

癸

畢集二
X 1 文

如聲聞之義不及陽神者初出時能調出調入必能自出也蓋防此識念託生之危者純陽真人亦嘗言之免顛危要人叫免顛危有二義一者是初習定時遇饑渴索飲食時令不起煩惱二者是迷定而溺於昏沉若用聲以出之之意陽神原無迷者古聖真教人謹密如此

習定者可不警醒之哉又問定法如何是同處答曰最上一乘仙佛陽神始初以○爲宗

凡語中遇一○則直呼作圈遇一、則直呼作點字遇一圈

點則直呼作圈點二字方可便於記念與前第十問同與後
佛宗語註亦同

行住坐卧之間

行住坐則初關中關皆有之唯卧是初關百日內有之中關
十月以後全無今此乃順口統言者切不可拘執

不離這個○其行也不離一○佛謂之遊戲三昧其住也不離
一○佛謂之禪定三昧

華嚴經云正定中受用爲三昧

有此○則化陽炁

卽煉精化炁時之火候

道藏輯要

仙佛合宗語錄

堯

畢集二
川八

無此○則化陽神而還虛

卽煉炁化神時之火候及神還虛無之極者皆是也

證無餘涅槃矣彼陰神及四果人棒喝佛指直指單傳者亦以
此○爲宗行住坐卧不離這個

離了這個則心外馳而不在於定仙家不能入定中化神佛
家不能入於禪定中見性而成佛者也

行不離○住不離。亦自有○至無○此言其大畧似同處第
仙佛正法禪定之行住○本乎自然

道君言一切諸法皆空寂相佛言隨順寂滅境界是也

祖師禪及四果所宗之行住○實由強制但看高峯禪師所說

忍饑壽昌金粟三峯三和尚等所說吞聲忍氣及氣急殺人之語可見此陰神此陽神似同而實有不同之妙學仙佛者不可執此便謂全同大用止乎如此則輕視仙佛等之和尙凡夫禪矣當悟所以有六種震動陽炁自來陽神自覺之妙而後可謂之胎神見性真定

十七問曰仙佛既同一道一修而又有食葷食素之異得無畢竟有戒無戒之不同乎答曰齋戒俱同而更嚴密天德清淨純素人不齋戒清淨不合天之德矣安能證居帝聖仙真之位乎子盍觀之道藏內有太上洞玄靈寶業報因緣經云

人造善業則有善報造惡業則有惡報

道藏輯要

仙佛合宗語錄

李

畢集二
川文八

太上道君言始自發心終於極果念念不捨持戒不犯上下有異

有三洞眾戒三戒五戒六戒七戒八戒九戒初真十戒十二可從戒十四持身戒二十四戒二十七戒三十六戒正一七十二戒昇玄內教百二十九戒洞玄上品四十戒中品六十戒下品八十戒共一百八十戒也上清三百觀身戒洞神七百二十戒玄都律文天尊十戒千二百威儀戒金紐太清陰

陽戒

太上虛皇四十九章經之齋戒章云天尊曰

此元始天尊所說之經也